

**БОСНА И ХЕРЦЕГОВИНА  
ПАРЛАМЕНТАРНА СКУПШТИНА  
БОСНЕ И ХЕРЦЕГОВИНЕ**

**ДОМ НАРОДА  
ПРЕДСТАВНИЧКИ ДОМ**

Зajедничка комисија за економске реформе и развој



**BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE**

**DOM NARODA  
PREDSTAVNIČKI DOM/ZASTUPNIČKI DOM**

Zajednička komisija za ekonomske reforme i razvoj  
Zajedničko povjerenstvo za ekonomske reforme i razvoj

---

Broj: 03/3-50-14-9-9,4/22

Sarajevo, 16.5.2022.

**ORIJENTACIONI RADNI PLAN  
ZAJEDNIČKE KOMISIJE ZA EKONOMSKE REFORME I RAZVOJ  
ZA 2022. GODINU**

**SARAJEVO, MAJ 2022. GODINE**

Na osnovu člana 65. stav (2) Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 79/14, 81/15, 97/15, 78/19 i 26/20) i člana 55. stav (2) Poslovnika Doma naroda Parlamentarne skupštine Bosne i Hercegovine ("Službeni glasnik BiH", br. 58/14, 88/15, 96/15 i 53/16), Zajednička komisija za ekonomske reforme i razvoj Parlamentarne skupštine Bosne i Hercegovine je na 9. sjednici, održanoj 16.5.2022. godine, utvrdila

## **ORIJENTACIONI RADNI PLAN Zajedničke komisije za ekonomske reforme i razvoj za 2022. godinu**

Predviđena aktivnost Zajedničke komisije za ekonomske reforme i razvoj (u daljnjem tekstu: Zajednička komisija) u 2022. godini zasniva se na realiziranju međunarodnih dokumenata kojima je vezana Parlamentarna skupština BiH, te specifičnim aktivnostima Zajedničke komisije koje proističu iz njene nadležnosti utvrđene članom 61. Poslovnika Predstavničkog doma i članom 51. Poslovnika Doma naroda Parlamentarne skupštine BiH.

Na osnovu člana 61. Poslovnika Predstavničkog doma i člana 51. Poslovnika Doma naroda Parlamentarne skupštine Bosne i Hercegovine, Zajednička komisija razmatra pitanja koja se odnose na:

- a) ekonomske reforme koje su u nadležnosti institucija BiH;
- b) prijedloge reformi ili inicijative koje Zajedničkoj komisiji dostavljaju predstavnici građanskog društva, odnosno udruženja privrednika, unije poslodavaca, sindikata, agencija za regionalni razvoj, udruženja građana ili drugih nevladinih interesnih grupa;
- c) monetarnu politiku;
- d) politiku vanjskog zaduživanja;
- e) odnose s međunarodnim finansijskim institucijama;
- f) politiku i program obnove i razvoja Bosne i Hercegovine;
- g) definiranje mjera ekonomske politike;
- h) fiskalnu i kreditnu politiku Bosne i Hercegovine;
- i) politiku bankarstva;
- j) statistiku, mjere i standarde.

Zajednička komisija razmatra i druga pitanja iz oblasti ekonomskih reformi, obnove i razvoja Bosne i Hercegovine.

Prema dosadašnjoj praksi, Zajednička komisija izrađivala je orijentacioni radni plan iz svoje nadležnosti i razmatrala zakone i druge akte, nakon što je kolegiji oba doma odrede kao nadležnu za razmatranje.

S obzirom na to da bi 2022. godina trebala biti izborna, orijentacioni radni plan sadrži pregled najznačajnijih aktivnosti Zajedničke komisije s utvrđenim rokovima u periodu januar - septembar 2022. godine, prema sljedećem rasporedu:

## **JANUAR – JUNI**

- razmatranje zakona i drugih akata od ovlaštenih predlagača i dostavljanje mišljenja i izvještaja Predstavničkom domu i Domu naroda PSBiH;
- razmatranje Izvještaja o radu Zajedničke komisije za 2021. godinu;
- razmatranje Orijentacionog radnog plana Zajedničke komisije za 2022. godinu;
- razmatranje Analize Aftercare programa za 2020. godinu s preporukama za unapređenje poslovnog okruženja (otvorena pitanja) – materijal FIPA-e, u skladu sa Zaključkom Zajedničke komisije;
- razmatranje Izvještaja o radu Vijeća ministara BiH za 2021. godinu, u dijelu koji se odnosi na:
  - Izvještaj o radu Instituta za intelektualno vlasništvo BiH za 2021. godinu;
  - Izvještaj o radu Instituta za standardizaciju BiH za 2021. godinu;
  - Izvještaj o radu Instituta za mjeriteljstvo BiH za 2021. godinu;
  - Izvještaj o radu Instituta za akreditiranje BiH za 2021. godinu;
  - Izvještaj o radu Agencije za statistiku BiH za 2021. godinu;
  - Izvještaj o radu Agencije za nadzor nad tržištem BiH za 2021. godinu;
  - Izvještaj o radu Agencije za osiguranje u BiH za 2021. godinu;
  - Izvještaj o radu Agencije za rad i zapošljavanje BiH za 2021. godinu;
  - Izvještaj o radu Agencije za unapređenje stranih investicija u BiH (FIPA) za 2021. godinu;
  - Izvještaj o radu Konkurencijskog vijeća BiH za 2021. godinu;
  - Izvještaj o radu Direkcije za ekonomsko planiranje BiH za 2021. godinu.
- nastavak prakse parlamentarnog nadzora nad institucijama iz nadležnosti Zajedničke komisije – organiziranje sjednica Zajedničke komisije s predstavnicima Agencije za rad i zapošljavanje BiH i Agencije za osiguranje u BiH – prezentacija aktivnosti, predstavljanje eventualnih problema s kojima se susreću i predlaganje mogućih rješenja uočenih problema i unapređenja rada navedenih institucija;
- nastavak prakse parlamentarnog nadzora nad institucijama iz nadležnosti Zajedničke komisije – organiziranje sjednica Zajedničke komisije s predstavnicima Agencije za nadzor nad tržištem BiH i Konkurencijskog vijeća BiH – prezentacija aktivnosti, predstavljanje eventualnih problema s kojima se susreću i predlaganje mogućih rješenja uočenih problema i unapređenja rada navedenih institucija.
- nastavak prakse parlamentarnog nadzora nad institucijama iz nadležnosti Zajedničke komisije – organiziranje sjednice Zajedničke komisije s predstavnicima Agencije za unapređenje stranih investicija u BiH (FIPA) i Agencije za statistiku BiH - prezentacija aktivnosti, predstavljanje eventualnih problema s kojima se susreću i predlaganje mogućih rješenja uočenih problema i unapređenja rada navedenih institucija.

## **JULI - SEPTEMBAR**

- razmatranje zakona i drugih akata od ovlaštenih predlagača i dostavljanje mišljenja i izvještaja Predstavničkom domu i Domu naroda PSBiH;

- nastavak prakse parlamentarnog nadzora nad institucijama iz nadležnosti Zajedničke komisije – organiziranje sjednica Zajedničke komisije s predstavnicima Instituta za intelektualno vlasništvo BiH, Instituta za mjeriteljstvo BiH, Instituta za akreditiranje BiH i Instituta za standardizaciju BiH – prezentacija aktivnosti, predstavljanje eventualnih problema s kojima se susreću i predlaganje mogućih rješenja uočenih problema i unapređenja rada navedenih institucija;
- u kontekstu usložnjavanja ekonomske situacije u narednom periodu u Bosni i Hercegovini, Zajednička komisija po potrebi može organizirati tematsku sjednicu na kojoj bi inicirali mjere i aktivnosti s ciljem ublažavanja posljedica eventualne krize.

### **Međuparlamentarna saradnja**

U okviru međuparlamentarne saradnje Zajednička komisija će, po potrebi, organizirati posjetu entitetskim parlamentima (parlamentarnim komisijama), te u zavisnosti od okolnosti i od mogućnosti, posjetu parlamentima, odnosno komisijama parlamenta zemalja okruženja.

### **Ostale aktivnosti**

U osnovnom zakonodavnom postupku Zajednička komisija treba da ispoštuje poslovničke odredbe komisijske i plenarne faze. Prema utvrđenoj dinamici, Zajednička komisija razmatrat će predložene akte iz svog djelokruga i pravovremeno izvještavati predsjedavajuće i kolegije oba doma.

U zavisnosti od zaključaka usvojenih na sjednicama Predstavničkog doma i Doma naroda, Zajednička komisija će eventualno organizirati javne rasprave posvećene projektima donošenja pojedinih zakona.

Zajednička komisija će samostalno ili u saradnji s partnerskim organizacijama organizirati okrugle stolove o temama koje će biti razmatrane na sjednicama Zajedničke komisije.

Ako bude potrebe i mogućnosti, Zajednička komisija organizirat će posjete institucijama iz svoje nadležnosti, kao i drugim institucijama s kojima je imala ili namjerava uspostaviti saradnju, a koje se bave oblastima iz nadležnosti Zajedničke komisije.

Orijentacioni radni plan Zajedničke komisije bit će fleksibilan i prilagođavan aktuelnim temama.

Predsjedavajući Zajedničke komisije

**Šemsudin Dedić**